



Peter Olsen  
Inatsisartunut ilaasortaq, Inuit Ataqatigiit

### **§ 37 naapertorlugu apeqquteqaammut akissut (2018-145) - Kangaatsiami atuarfik pillugu**

25-07-2018  
Suliap normua 2018 - 14775  
Allakkat nr. 8289300

Postboks 1029  
3900 Nuuk  
Oqarasuaat: +299 34 50 00  
Email: ikiin@nаноq.gl  
www.nanoq.gl

Asasara Peter Olsen,

Apeqqutinnut qujanaq, taanna Inatsisartut naliginnaasumik aqutsinermi ileqqoreqqusaat naapertorlugu apeqquteqaatigivat. Tulliuttumi akissavara.

Aallarniutigalugu oqaatigineqassaaq illit apeqqutinnut tunngavilersuutinni allattutit Aningaasaqarnermut Naalakkersuisup ulloq 19. November 2017, 2018-imut aningaasanut inatsisissamut siunnersuutip pingajussaaneerqarnissaanut Inatsisartunut saqqummiussaani ersarissumik allassimasoq katillugit 59 mio. kr.-inik Kangaatsiami atuarfiliornissamut immikkoortitsisoqassasoq. Tamanna paatsoornermik tunngaveqartutut isikkoqarpoq, tassami Aningaasaqarnermut Akileraartarnermullu Naalakkersuisup 2018-imut aningaasanut inatsisissap pingajussaaneerqarnissaanut allannguutissamut siunnersuutaani, kiisalu pingajussaanerinermit akissuteqaatit allakkiaani 19. november 2017-imeersumi eqqaaneqanngimmat Kangaatsiami atuarfiliornissamut 59 mio. kr.-inik immikkoortitsisoqassasoq.

#### ***Apeqqut 1: Naalakkersuisunut uppernarsarsinnaanerpaat Kangaatsiap atuarfittaasaanut taamaallaat 13,7 mio.kr.-nik aningaasaliisoqarsimasoq?***

**Akissut:** Kangaatsiami atuarfissap sananeqarnissaanut aningaasartuutissat sanaartornissamut inaarutaasumik missingersuutip tigoreernerata kingorna inissinniarneqassaaq.

#### ***Apeqqut A: Ilumoorsimassappat sumik peqquteqarpa taamaallaat 13.7 mio.kr.-nik aningaasaliisoqarsimaneranut?***

**Akissut:** Atuartunngortussat meeqqallu atuarfii pillugit kommunit sanaartornissaannut aningaasaliiffigisarnerannut ileqqussat pillugit aqutsisut akornanni ataatsimiinnermi ulloq 29. september 2017 Namminersorlutik

Oqartussat kommunillu aqutsisui, taakku ataanni Kommune Qeqertalinngortussa q ilaavoq, isumaqatigiipput Kangaatsiami atuarfiliornissamat 13 mio. kr.-nit immikkoortinneqarnissaannik qinnuteqaateqartoqassasoq. Politikikkut ataqatigiissaareqatiguit ataatsimiinneranni ulloq 17. oktober 2017 aningaasaliissutissatut illuartitassatut ilimagineqartut pillugit aamma paasisutissiisoqarpoq.

Namminersorlutik Oqartussat, Qaasuitsup Kommuniusimasumi teknikkikkut ingerlatsiviup kiisalu sanaartornerni siunnersortit atuarfimmik 26. maj 2017 misissuisimanerat aningaasanik annertussusiliinermi tunngavigneqarpoq. Tamatuma kingorna sanaartornermi siunnersortip Kangaatsiami atuarfiup pitsannngorsaavigineqarnissaanut siunnersuusiop, tassungalu atatillugu siunnersortip nalilerpaa atuarfiup kitaata-tungaata (Atuarfik Qullissat) ingitseriarlugu nutaaliortoqartariaqartoq.

***Apeqqut B: Ilumoorsimappat taava qaqugu sinneri 45,3 mio.kr. aningaasaliissutigineqassappat?***

**Akissut:** Naalakkersuisut sanaartornissamat saniatigut 45,3 mio. kr.-inik aningaasaliinissamat siunnersuuteqarnissamik pilersaaruteqanngillat.

***Apeqqut C: Naalakkersuisut naatsersuutigaat Kangaatsiap nutaamik 59 mio.kr nalinganut atuarfittaartinneqarnissaat?***

**Akissut:** Sanaartornissamat inaarutaasumik missingersuut suli utaaqqimaarneqarpoq. Apeqqut A-mut akissut tunngavigalugu sanaartornissamat taamaallaat 13 mio. kr.-init immikkoortinneqarnissaat ilimagineqarpoq.

Inussiarnersumik inuulluaqqusillunga

  
Vivian Motzfeldt